



- SENAT –

Broj: 01-14-69/19

Sarajevo, 27. 05. 2019. godine

Na osnovu člana 130., a u vezi sa članom 120. Zakona o visokom obrazovanju („Sl. novine Kantona Sarajevo“, broj: 33/17) i člana 59., a u vezi sa članom 214. stav (1) Statuta Univerziteta u Sarajevu, Senat Univerziteta u Sarajevu je na 31. redovnoj sjednici održanoj 27. 05. 2019. godine, donio

**O D L U K U**  
**O DONOŠENJU PRAVILNIKA**  
**O DODJELI POČASNOG ZVANJA PROFESOR EMERITUS**  
**UNIVERZITETA U SARAJEVU**

**I**

Senat Univerziteta u Sarajevu donosi Pravilnik o dodjeli počasnog zvanja profesor emeritus Univerziteta u Sarajevu, koji čini sastavni dio ove odluke.


**II**

Pravilnik iz tačke I ove odluke stupa na snagu danom donošenja i bit će objavljen na web stranici Univerziteta.

**III**

Ova odluka stupa na snagu danom donošenja.

**REKTOR**

  
**Prof. dr. Rifat Škrijelj**



Dostaviti:

- Organizacionim jedinicama UNSA
- Službi za NIR/UIR
- Službi za nastavu
- U dokumentaciju Senata UNSA
- Arhivi



**PRAVILNIK  
O DODJELI POČASNOG ZVANJA  
PROFESOR EMERITUS  
UNIVERZITETA U SARAJEVU**



**UNIVERZITET U SARAJEVU**

**PRAVILNIK  
O DODJELI POČASNOG ZVANJA  
PROFESOR EMERITUS  
UNIVERZITETA U SARAJEVU**

Sarajevo, maj 2019. godine

## SADRŽAJ:

I. OPĆE ODREDBE.....	4
II. KRITERIJ ZA DODJELU POČASNOG ZVANJA PROFESOR EMERITUS UNIVERZITETA U SARAJEVU .....	4
III. POSTUPAK ZA DODJELU POČASNOG ZVANJA PROFESOR EMERITUS UNIVERZITETA U SARAJEVU .....	5
IV. ZADATAK I RAD KOMISIJE ZA OCJENU PRIJEDLOGA ZA DODJELU POČASNOG ZVANJA PROFESOR EMERITUS .....	6
V. BROJ I STRUKTURA KANDIDATA ZA DODJELU POČASNOG ZVANJA PROFESOR EMERITUS UNIVERZITETA U SARAJEVU.....	7
VI. ANGAŽMAN PROFESORA EMERITUSA I NOVČANA NAKNADA.....	7
VII. VOĐENJE EVIDENCIJE O PROMOVISANIM PROFESORIMA EMERITUSIMA .	8
VIII. PRELAZNE I ZAVRŠNE ODREDBE .....	8

Na osnovu člana 130., a u vezi sa članom 120. Zakona o visokom obrazovanju („Sl. novine Kantona Sarajevo“, broj: 33/17) i člana 59., a u vezi sa članom 214. stav (1) Statuta Univerziteta u Sarajevu, Senat Univerziteta u Sarajevu je na 31. redovnoj sjednici održanoj 27. 05. 2019. godine, donio

## **P R A V I L N I K** **o dodjeli počasnog zvanja profesor emeritus** **Univerziteta u Sarajevu**

### **I. OPĆE ODREDBE**

#### **Član 1.**

##### **(Predmet Pravilnika)**

- (1) Pravilnikom o dodjeli počasnog zvanja profesor emeritus Univerziteta u Sarajevu (u daljnjem tekstu: Pravilnik), propisuje se način i uvjeti za dodjelu počasnog zvanja profesor emeritus Univerziteta u Sarajevu.
- (2) Ovim Pravilnikom se regulira:
  - a) Kriterij za dodjelu počasnog zvanja profesor emeritus Univerziteta u Sarajevu
  - b) Postupak za dodjelu počasnog zvanja profesor emeritus Univerziteta u Sarajevu
  - c) Zadatak i rad Komisije za ocjenu prijedloga za dodjelu počasnog zvanja profesor emeritus
  - d) Broj i struktura kandidata za dodjelu počasnog zvanja profesor emeritus
  - e) Angažman profesora emeritusa i novčana naknada
  - f) Evidencija o promovisanim profesorima emeritusima

### **II. KRITERIJ ZA DODJELU POČASNOG ZVANJA PROFESOR EMERITUS UNIVERZITETA U SARAJEVU**

#### **Član 2.**

##### **(Obavezni kriteriji)**

- (1) Počasno zvanje profesor emeritus dodjeljuje se penzionisanom redovnom profesoru Univerziteta u Sarajevu koji je kroz duži vremenski period kontinuirano doprinio unapređivanju i razvoju naučno-istraživačkog odnosno umjetničko-istraživačkog rada, razvoju i napretku Univerziteta i fakulteta/akademija te nastavnog procesa na Univerzitetu, te stekao međunarodnu reputaciju.
- (2) Kriteriji koji moraju biti poštovani kod procedure izbora profesora emeritusa su:
  - a) vođenje visokim moralnim načelima u naučnom i nastavnom radu;
  - b) posebno isticanje u naučnom i/ili umjetničkom radu (temeljeno na bogatoj publicističkoj djelatnosti koja se dokazuje publikacijama objavljenim u relevantnim bazama podataka i domaćim i međunarodnim istraživačkim projektima, patentima, festivalima i sl.);
  - c) veći broj objavljenih knjiga od značaja za struku i nauku, odnosno zapaženi javno predstavljeni radovi koji su nagrađeni domaćim i/ili međunarodnim priznanjima;
  - d) međunarodna reputacija u akademskim krugovima:
    - pozivni/gost predavač na međunarodnim i domaćim naučnim skupovima i/ili
    - bogato iskustvo u organiziranju međunarodnih naučnih i/ili stručnih skupova i/ili

- gostujući profesor ili istraživač na uglednim inostranim univerzitetima ili institutima i/ili
  - obnašanje čelne dužnosti u međunarodnoj ili domaćoj strukovnoj asocijaciji iz naučne/umjetničke oblasti za koju je biran;
- e) rezultati u stvaranju nastavno-naučnog i nastavno-umjetničkog podmlatka iz oblasti za koju je biran (lista sa imenima osoba kojima je predloženi redovni profesor bio mentor, te član komisije za izbor u akademsko zvanje;
- f) duži vremenski period proveden u nastavi (minimalno 15 godina), a minimalno pet godina prije odlaska u penziju u radnom odnosu sa punim radnim vremenom na Univerzitetu u Sarajevu ili minimalno pet godina prije odlaska u penziju u radnom odnosu sa dijelom radnog vremena u nastavnoj bazi i na Univerzitetu u Sarajevu;
- g) pozitivna ocijena studentskih evaluacija, u skladu sa Pravilnikom o evaluaciji rada akademskog osoblja i uspješnosti provedbe studijskih programa, u razdoblju od pet godina prije odlaska u penziju;
- h) pozitivna evaluacija rada u ciklusima od pet godina u skladu sa Statutom Univerziteta u Sarajevu;
- i) posebne zasluge za razvoj i napredak Univerziteta u Sarajevu i matičnog fakulteta/akademije:
- obnašanje čelne dužnosti na fakultetu/akademiji (dekan, prodekan) ili Univerzitetu u Sarajevu (prorektor, predsjednik savjeta ili odbora, predsjednik vijeća grupacije) i/ili
  - značajan doprinos prepoznatljivosti fakulteta/akademije ili Univerziteta u Sarajevu (dobitnik državnih, entitetskih, kantonalnih ili gradskih nagrada za nauku i umjetnost ili nagrade koju dodjeljuju domaći ili međunarodni univerziteti, te naučne i strukovne organizacije i udruženja) i/ili
  - recenzent za studijske programe te univerzitetske udžbenike, naučne knjige, monografije akademskog osoblja u naučno nastavnom zvanju
  - recenzent za nacionalne profesionalne vodiče, recenzent za internacionalne profesionalne vodiče od regionalnog, evropskog i svjetskog značaja, pod uslovom da imaju reprezentativan Steering Committee i Peer Review process
  - osnivač i organizator nove laboratorije ili praktikuma.
- (3) Najmanje jedan naučni rad objavljen u citatnim bazama podataka, ili objavljena knjiga, ili uspješno mentorstvo drugog ili trećeg ciklusa, ili projekat, patent, ili javno predstavljeni rad sa priznanjem u odgovarajućoj umjetničkoj oblasti mora biti publiciran u periodu ne dužem od dvije godine u odnosu na datum podnošenja zahtjeva za dodjelu počasnog zvanja profesor emeritus.

### **III. POSTUPAK ZA DODJELU POČASNOG ZVANJA PROFESOR EMERITUS UNIVERZITETA U SARAJEVU**

#### **Član 3.**

##### **(Postupak predlaganja)**

- (1) Postupak dodjele počasnog zvanja profesora emeritusa pokreće vijeće fakulteta/akademije na prijedlog katedre/odsjeka na osnovu kojeg Senat Univerziteta može donijeti odluku o dodjeli počasnog zvanja profesora emeritusa.
- (2) Postupak dodjele počasnog zvanja profesora emeritusa može da pokrene rektor Univerziteta u Sarajevu i Savjet za nauku i umjetnost Univerziteta u Sarajevu.
- (3) Prijedlog obavezno sadrži:

- a) saglasnost redovnog profesora u penziji da mu se dodijeli počasno zvanje profesora emeritusa,
  - b) bibliografiju radova,
  - c) curriculum vitae,
  - d) dokaze o ispunjavanju uslova za dodjelu počasnog zvanja profesor emeritus iz člana 2. ovog Pravilnika, vodeći računa da li se radi o naučnonastavnom ili umjetničkonastavnom zvanju.
  - e) odluke o davanju saglasnosti za dodjelu počasnog zvanja vijeća triju fakulteta/akademija koji/e su upoznati/e sa radom kandidata.
- (4) Kriterij iz člana 2. stav (2) tačka a) ovog Pravilnika ne podliježu dokumentovanju.
- (5) Prijedlog iz stava (2) ovog člana se dostavlja vijeću grupacije nauka/umjetnosti na saglasnost.
- (6) Nakon dobivanja saglasnosti matičnog vijeća grupacije nauka/umjetnosti prijedlog se dostavlja komisiji koju imenuje Senat Univerziteta.

#### **IV. ZADATAK I RAD KOMISIJE ZA OCJENU PRIJEDLOGA ZA DODJELU POČASNOG ZVANJA PROFESOR EMERITUS**

##### **Član 4.**

##### **(Zadatak i rad Komisije)**

- (1) Po prijemu prijedloga iz člana 3. stav (2) ovog Pravilnika Komisija Senata Univerziteta, koja je sastavljena od rektora, resornog prorektora za nastavu i predsjednika svake grupacije, vrši ocjenu prispjelih prijedloga i njihove potpunosti i usaglašenosti sa odredbama ovog Pravilnika.
- (2) Članovi komisije imaju pravo tražiti od predlagača i dodatnu dokumentaciju o kandidatu za profesora emeritusa.
- (3) Komisija podnosi Senatu Univerziteta u Sarajevu pisani izvještaj s ocjenom i svojim mišljenjem o prijedlozima za dodjelu počasnog zvanja profesor emeritus.

##### **Član 5.**

##### **(Dodjela počasnog zvanja profesor emeritus penzionisanim rektorima Univerziteta u Sarajevu)**

Svim penzionisanim rektorima Univerziteta u Sarajevu, uz njihovu saglasnost i ispunjavanje uslova iz člana 2. stav (3) ovog Pravilnika, može biti dodijeljeno počasno zvanje profesora emeritusa, što se utvrđuje posebnom odlukom Senata.

##### **Član 6.**

##### **(Dodjela počasnog zvanja profesor emeritus po automatizmu)**

Redovnim članovima Akademije nauka i umjetnosti Bosne i Hercegovine, koji su penzionisani redovni profesori fakulteta/akademije Univerziteta u Sarajevu, počasno zvanje profesora emeritusa dodijeljuje se po automatizmu, što se utvrđuje posebnom odlukom Senata.

## **Član 7.**

### **(Pravo na korištenje titule)**

Redovni profesor u penziji kojem je Univerzitet u Sarajevu dodijelio počasno zvanje profesora emeritusa ima pravo koristiti spomenuto zvanje kao titulu, ispred imena.

## **V. BROJ I STRUKTURA KANDIDATA ZA DODJELU POČASNOG ZVANJA PROFESOR EMERITUS UNIVERZITETA U SARAJEVU**

## **Član 8.**

### **(Broj i struktura)**

- (1) Prijedlozi za dodjelu zvanja profesora emeritusa razmatraju se, u pravilu, jedanput godišnje, a promocija profesora emeritusa vrši se na zajedničkoj promociji u sklopu aktivnosti povodom Dana Univerziteta.
- (2) Univerzitet u Sarajevu godišnje dodjeljuje najviše 18 (osamnaest) počasnih zvanja profesor emeritus, u pravilu po tri iz svake grupacije nauka/umjetnosti.
- (3) Fakulteti/akademije koji u jednoj akademskoj godini predlože veći broj penzionisanih redovnih profesora za dodjelu zvanja profesor emeritus, suprotno odredbama stava (2) ovog člana, Senat će odabrati broj vodeći računa o ujednačenosti dodjele zvanja profesora emeritusa.

## **VI. ANGAŽMAN PROFESORA EMERITUSA I NOVČANA NAKNADA**

## **Član 9.**

### **(Angažman i novčana naknada)**

- (1) Profesor emeritus može biti angažiran:
  - a) kao mentor,
  - b) kao predsjednik i/ili član komisije u postupku izrade magistarskih, specijalističkih i doktorskih radova,
  - c) kao predsjednik i/ili član komisije za izbor akademskog osoblja,
  - d) kao član komisije za priznavanje javnih isprava,
  - e) kao recenzent rukopisa,
  - f) za koordinaciju i rad u naučnoistraživačkim i umjetničkim projektima.
- (2) Profesor emeritus može biti angažiran za održavanje dijela predavanja unutar predmeta u okviru svih ciklusa studija, bez mogućnosti vođenja predmeta u cijelosti i samostalnog obavljanja završnog ispita i to ukoliko:
  - a) ne postoji izabrani nastavnik na oblast/predmet,
  - b) izabrani nastavnik ima fond sati veći od fonda predviđenog Standardima i normativima za obavljanje djelatnosti visokog obrazovanja na području Kantona Sarajevo
  - c) ne postoji mogućnost preraspodjele nastavnika sa druge organizacione jedinice.
- (3) Za angažman profesora emeritusa u vidu održavanja dijela predavanja na predmetima drugog i trećeg ciklusa studija ne moraju biti ispunjeni uvjeti iz stava (2) ovog člana.
- (4) Za angažman iz stava (2) ovog člana profesor emeritus ima pravo na novčanu naknadu u skladu sa obimom nastavnog opterećenja.



(5) Profesori emeritusi imaju pravo na novčanu naknadu u skladu sa Jedinim pravilnikom o plaćama i naknadama osoblja Univerziteta u Sarajevu.

## **VII. VOĐENJE EVIDENCIJE O PROMOVISANIM PROFESORIMA EMERITUSIMA**

### **Član 10. (Evidencija)**

Na Univerzitetu u Sarajevu vodi se knjiga evidencije promovisanih profesora emeritusa Univerziteta u Sarajevu.

## **VIII. PRELAZNE I ZAVRŠNE ODREDBE**

### **Član 11. (Postupak izmjena i dopuna)**

Izmjene i dopune ovog pravilnika vrše se na način i po postupku za njegovo donošenje.

### **Član 12. (Tumačenje Pravilnika)**

Tumačenje ovog pravilnika daje Senat Univerziteta u Sarajevu.

### **Član 13. (Stupanje na snagu)**

- (1) Ovaj pravilnik stupa na snagu danom donošenja.
- (2) Stupanjem na snagu ovog Pravilnika stavlja se van snage Poslovnik o načinu dodjele počasnog zvanja profesora emeritusa Univerziteta u Sarajevu broj: 01-I-1317/03 od 29. 02. 2012. godine.

**REKTOR**

*Prof. dr. Rifat Škrijelj*



Broj: 01-14-69-1/19  
Sarajevo, 27. 05. 2019. godine